



جابتن حال إحوال اكلام إسلام قولوا فينخ
JABATAN HAL EHWAL AGAMA ISLAM PULAU PINANG



TEKS KHUTBAH
**DUA KEMULIAAN
BERTEMU**



Tarikh Bacaan:
20 MAC 2026M / 1 SYAWAL 1447H

Dibiayai :



MAJLIS AGAMA ISLAM
NEGERI PULAU PINANG

Diterbitkan :



JABATAN HAL EHWAL AGAMA ISLAM
PULAU PINANG

***Jawatankuasa
Panel Semakan Teks Khutbah
Negeri Pulau Pinang***

- 1. Sahibus Samahah Prof. Madya Dato' Dr. Mohd Sukki bin Othman (Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Mantan Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBrs. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Ustaz Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Khutbah Jumaat

DUA KEMULIAAN BERTEMU

20 Mac 2026M/ 1 Syawal 1447H

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ، وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ فَلَا مُضِلَّ لَهُ، وَمَنْ يَضِلَّ فَلَا هَادِيَ لَهُ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ تُفْلِحُونَ.

SIDANG JUMAAT YANG DIRAHMATI ALLAH,

Marilah kita bersama-sama meningkatkan ketakwaan kepada Allah dengan sebenar-benar takwa, iaitu dengan melaksanakan segala perintah-Nya dan meninggalkan segala larangan-Nya. Ketakwaan itulah sebaik-baik bekalan yang akan menyelamatkan kita di dunia dan di akhirat.

Begitu pantas masa berlalu. Ramadan baru sahaja melabuhkan tirainya. Senja terakhirnya telah berlalu, meninggalkan kita dengan kenangan ibadah, air mata taubat dan harapan agar segala amal diterima Allah.



Mimbar pada hari ini akan membicarakan tajuk: **Dua Kemuliaan Bertemu.**

MUSLIMIN RAHIMAKUMULLAH,

Hari ini kita berada pada satu hari yang sangat istimewa dalam kehidupan seorang mukmin. Dua hari yang penuh kemuliaan berhimpun dalam satu waktu, iaitu Hari Jumaat dan Hari Raya.

Hari Jumaat adalah penghulu segala hari, manakala Hari Raya pula adalah hari kegembiraan bagi orang yang berjaya melalui madrasah Ramadan. Sabda Rasulullah ﷺ:

خَيْرُ يَوْمٍ طَلَعَتْ عَلَيْهِ الشَّمْسُ يَوْمَ الْجُمُعَةِ

Maksudnya: “Sebaik-baik hari yang matahari terbit padanya ialah hari Jumaat.” (Hadis Riwayat Muslim)

Manakala hari raya pula adalah hari yang Allah hadiahkan kepada hamba-Nya yang telah berjuang menundukkan hawa nafsu, menahan lapar dan dahaga serta menghidupkan malam dengan ibadah.

MUSLIMIN YANG DIRAHMATI ALLAH,

Ramadan yang kita lalui selama sebulan kini telah pergi meninggalkan kita. Bulan yang dahulu kita nantikan dengan penuh harapan, yang kita sambut dengan doa dan azam untuk berubah, kini hanya tinggal kenangan.

Sepanjang Ramadan, kita dilatih untuk menahan hawa nafsu, memperbanyakkan solat, membaca al-Quran, menghidupkan malam dengan ibadah serta memperbanyakkan sedekah.

Ramadan adalah madrasah yang mendidik hati agar lebih dekat kepada Allah. Alangkah ruginya ketika Allah *سُبْحَانَهُ وَتَعَالَى* menurunkan rahmat, pengampunan bagi hamba-hamba-Nya yang sujud dan menangis setiap malam, namun peluang itu sering dilepaskan atas kelalaian sendiri. Firman Allah *سُبْحَانَهُ وَتَعَالَى* dalam surah Fatir ayat 29:

إِنَّ الَّذِينَ يَتْلُونَ كِتَابَ اللَّهِ وَأَقَامُوا الصَّلَاةَ وَأَنْفَقُوا مِمَّا رَزَقْنَاهُمْ سِرًّا وَعَلَانِيَةً يَرْجُونَ
تِجَارَةً لَّنْ تَبُورَ ﴿٢٩﴾

Maksudnya: “*Sesungguhnya orang yang selalu membaca kitab Allah dan mendirikan solat serta membelanjakan sebahagian rezeki yang Kami anugerahkan kepada mereka secara sembunyi atau terbuka, mereka (dengan amalan yang demikian) mengharapakan perdagangan yang tidak akan mengalami kerugian.*”

MUSLIMIN RAHIMAKUMULLAH,

Namun hakikat Hari Raya bukan sekadar pakaian yang indah, hidangan yang mewah atau rumah yang meriah dengan kunjungan tetamu. Para ulama pernah mengungkapkan:

لَيْسَ الْعِيدُ لِمَنْ لَبَسَ الْجَدِيدَ، وَلَكِنَّ الْعِيدَ لِمَنْ طَاعَتْهُ تَزِيدُ

Maksudnya: *“Bukanlah hari raya bagi orang yang memakai pakaian baharu, tetapi hari raya bagi orang yang bertambah ketaatannya kepada Allah.”*

Maka persoalan besar pada hari ini ialah: Adakah Ramadan benar-benar mengubah kita? Adakah selepas Ramadan kita masih menjaga solat berjemaah? Adakah al-Quran masih hidup dalam kehidupan kita? Adakah tangan kita masih ringan bersedekah dan membantu orang lain?

Para ulama menyebut satu tanda penting bahawa sesuatu amalan diterima oleh Allah ialah apabila seseorang terus melakukan kebaikan selepasnya.

Jika selepas Ramadan kita terus dekat dengan Allah, maka itu tanda Ramadan telah meninggalkan kesan dalam hati kita. Namun jika selepas Ramadan kita kembali kepada kelalaian yang lama, maka kita bimbang Ramadan hanya berlalu sebagai adat, bukan ibadah yang membekas dalam jiwa.

SIDANG JEMAAH YANG DIRAHMATI ALLAH,

Hari raya juga adalah hari untuk kita membaiki hubungan sesama manusia.

Berapa ramai manusia yang bertahun-tahun tidak bertegur sapa hanya kerana perkara yang kecil? Sanggup menziarahi sahabat dan rakan yang jauh, namun untuk melangkah ke rumah saudara sendiri yang dekat terasa begitu berat, hanya kerana ego dan kemarahan yang masih bersisa di dalam hati.

Sedangkan Rasulullah ﷺ telah mengingatkan kita melalui sabdanya:

لَا يَحِلُّ لِمُسْلِمٍ أَنْ يَهْجُرَ أَخَاهُ فَوْقَ ثَلَاثٍ

Maksudnya: *“Tidak halal bagi seorang Muslim memulaukan saudaranya lebih daripada tiga hari.”* (Hadis Riwayat al-Bukhari)

Justeru, mengambil keberkatan hari Jumaat dan Aidilfitri yang mulia ini marilah kita:

Pertama: Merendahkan hati memohon kemaafan,

Kedua: Memaafkan kesalahan orang lain, dan

Ketiga: Menyambung kembali silaturrahim yang terputus.

Barangkali dengan satu kemaafan, Allah membuka sejuta pintu rahmat yang luas dalam kehidupan kita.

MUSLIMIN RAHIMAKUMULLAH,

Sebagai kesimpulan khutbah pada hari ini:

Pertama: Hari raya adalah hari kemenangan bagi orang yang berjaya mendidik dirinya sepanjang Ramadan.

Kedua: Tanda Ramadan diterima ialah apabila seseorang terus istiqamah melakukan kebaikan selepasnya.

Ketiga: Gunakan hari raya untuk menyambung silaturrahim dan ukhuwah serta membersihkan hati daripada permusuhan.

Firman Allah سُبْحَانَهُ وَتَعَالَى dalam surah al-Asr:

بِسْمِ اللَّهِ الرَّحْمَنِ الرَّحِيمِ

وَالْعَصْرِ ① إِنَّ الْإِنْسَانَ لَفِي خُسْرٍ ② إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَاصَوْا

بِالْحَقِّ وَتَوَاصَوْا بِالصَّبْرِ ③

Maksudnya: “Demi masa, sesungguhnya manusia berada dalam kerugian, kecuali orang-orang yang beriman dan beramal soleh, saling berpesan tentang kebenaran dan kesabaran.”

﴿Surah al-Asr ayat 1-3﴾

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ اللَّهُ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا، وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ، الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



Khutbah Kedua

2026M/1447H

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ،
وَعَلَى آلِهِ وَأَصْحَابِهِ وَالتَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ يُحْيِي وَيُمِيتُ
وَهُوَ عَلَى كُلِّ شَيْءٍ قَدِيرٌ، وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى سِرَاجِ مُنِيرٍ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ.

MUSLIMIN YANG DIRAHMATI ALLAH,

Mesyuarat Jawatankuasa Fatwa Negeri Pulau Pinang Bil. 1/2019 yang bersidang pada 13 dan 14 Februari 2019 telah memutuskan:

Hukum Iktikaf dan Solat Tahiyatul Masjid di Surau Yang Didirikan Solat Jumaat adalah **tidak disunatkan**. Ini kerana memang jelas nama musolla atau surau itu bukan dimaksudkan sebagai masjid, walaupun didirikan di dalamnya solat berjemaah lima waktu, solat Jumaat serta solat sunat yang lain seperti Tarawih, Aidilfitri, Aidiladha dan lain-lain.

Muslimin Rahimakumullah,

Bagi tuan-tuan yang berhasrat untuk berwakaf, pihak Wakaf MAINPP telah menjalinkan kerjasama strategik dengan Bank Simpanan Nasional



(BSN) dalam menyediakan platform wakaf yang mudah, selamat dan mesra pengguna untuk semua individu serta agensi kerajaan, swasta dan korporat. Melalui kerjasama ini, sumbangan wakaf boleh dilaksanakan dengan pelbagai kaedah. Semoga usaha kecil yang berterusan ini menjadi saham akhirat yang berkekalan.

قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ أَعِزِّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصُرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ أَنْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، وَفِي كُلِّ زَمَانٍ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ أَصْلِحْ أَيْمَتَنَا وَوُلَاةَ أُمُورِنَا، وَاجْعَلْ وِلَايَتَنَا فِيْمَنْ خَافَكَ وَاتَّقَاكَ يَا رَبَّ
الْعَالَمِينَ. اللَّهُمَّ اجْعَلْ بَلَدَنَا مَالِيَرِيَا خُصُوصًا وَوَلَايَةَ قَوْلَاوِ فِيْنِغْ آمِنًا مُطْمَئِنًّا
سَخَاءَ رَحَاءٍ، دَارَ عَدْلِ وَإِيْمَانٍ، وَأَمْنٍ وَأَمَانٍ، يَا ذَا الْفَضْلِ وَالْإِحْسَانِ.

اللَّهُمَّ وَفِّقْ قَادَتَنَا وَرُعَمَاءَنَا وَوُلَاةَ أُمُورِنَا لِمَا فِيهِ عِزُّ دِينِكَ وَنَصْرُ شَرِيْعَتِكَ، اللَّهُمَّ
اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى
صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Sultan Ibrahim dan Kebawah Duli Yang Maha Mulia Seri Paduka
Baginda Raja Permaisuri Agong, Raja Zarith Sofiah.

وَكذَلِكَ صَاحِبِ الْفَخَامَةِ،

Tuan Yang Terutama Tun Dato' Seri Utama Haji Ramli bin Ngah Talib, Yang di-Pertua Negeri Pulau Pinang dan Yang Mulia Toh Puan Raja Dato' Seri Utama Noora Ashikin binti Raja Abdullah.

“Ya Allah! Dengan sifat-Mu yang Maha Pemurah dan Maha Penyayang; Jadikanlah kami dan keturunan kami orang yang istiqamah mendirikan solat secara berjemaah, mengeluarkan zakat melalui Zakat MAINPP dan melaksanakan waqaf melalui Wakaf MAINPP.

Rahmatilah jua para pembayar zakat dan pewakaf sekalian, serta berkatilah usaha Kerajaan Negeri melalui Majlis Agama Islam Negeri Pulau Pinang (MAINPP) dalam usaha mewujudkan keseimbangan sosio-ekonomi ummah di negeri yang tercinta ini.”

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ يَذْكُرْكُمْ، وَاشْكُرُواهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.



جابتن حال إحوال اكلام إسلام قولاه فینخ
JABATAN HAL EHWAL AGAMA ISLAM PULAU PINANG